

南陵縣志



序



郡邑之有志由來遠矣其體倣古尚
書禹貢周禮職方及諸史爲之所貴
蒐討備而不漏紀載確而不誣持論
公而不私則志也亦猶之乎史焉南
陵縣志創自宋淳熙中邑令郭君堯
迄明嘉靖戊子俞君昌言取郭稿編
輯之弄繕本於邑人之家又六年錢
君照考証成書付諸剞劂志昉於此
自時厥後沈君堯中重加增飾則萬
曆乙酉年事也逮我

朝定鼎之十有三年丙申楊君必達奉

道臺孫公登第檄令修志志成較前
爲備雖然一時有一時之損益一事
有一事之因革已裁者利用汰相沿
者利用仍添設者利用增况生當

聖世深仁厚澤教養兼隆其戶口殷繁
人文炳蔚更有什伯於前者楊志距

今逾七十年志宜重修寧待問哉余
不敏步諸先令後塵雖日兢兢奉職
不遑究何能毫末有裨茲土而竊以
志之闕焉未講爲憂卽如條編一事
康熙初撫憲徐公國相下其法於州
縣惟陵應令獨先貴賤畫一行之五

十年益便甘棠之澤固陵之士民所
不能忘而請志之者也至若陵爲江
上望縣舊抑居中學康熙五十五年
引河南葉縣例呈詳具

題奉

俞旨改定大學以廣作人之化而不大

南陵縣志

序

三

書特書可乎況他所宜載者尙不止
此乎爰請於

郡太守黃公公曰善其圖之遂於康
熙六十年夏開局於崇教寺延汪孝

廉越爲任筆削陶文學性輔之三年
而二君相繼謝世覽其所作無幾封

識篋衍中以俟將來間嘗讀王禹偁
竹樓記念一官忝畱何定且爲嗣操
觚者之難其人復請於

郡公乃舉宣邑沈文學廷璐以示曰
沈館吾署齋久素以方正稱誠欲稜
志之速成非斯人不可余敬受命致

書敦請啟汪君遺墨屬就郡署爲之
並屬劉孝廉燾徵文考獻搜隱補遺
遙相叅訂書牘往還無虛日始於

今上御極之三年乙巳三月越明年丙
午十月告竣

郡公語余曰慎毋視是書易爲也謹

稿夢如涉筆寥寥不及什二沈因禱
請又重念一邑傳信之書鏤肝濯髓
不避羣喙不染一塵會萃孔亟無間
於寒鑪暑扇而逾歲乃成凡一十六
卷余受而讀之其中因革損益綱舉
目清蒐討脩紀載確持論公於以著
朗陵山川風俗之美張名卿巨公理
學忠義貞士節媛之盛使後之覽者
希風景範於無窮則所謂一邑之志
而不悖乎史之義者其庶幾歟余一
匏久繫治狀疎濶而凝神畢慮承
郡公之教與諸君子力成是書取此

償彼或差免俗吏之誚於萬一焉否
也爰不揆而濡毫紀歲月於簡端

皇清雍正四年歲次丙午冬十月朔日

文林郎知南陵縣事加二級襄平

廷佐謨



甯陵縣志凡例 計二十二則

一 陵邑志自宋淳熙時郭令崑創始厥後屢經纂皆散逸莫稽惟明萬曆乙酉沈令堯中

國朝順治丙申楊令必達二志存亦多浸漶茲

槩取諸沈楊舊本而體式一遵康熙癸丑所修

府志蓋府志係遵 部頒河南通志式也

一 形勝依府志附疆域後邑舊志所載形勢皆三

國以來用兵扼險諸事茲移入卷末附紀中以

備徵考

甯陵縣志

凡例

一 寧郡舊志沿革僅有紀事癸丑重修始依江寧

志作表然後郡邑之屢更治界之分合瞭若指

掌茲從之

一 從來志載祥異所以示修省勤補救也舊志生

載茲依府志補入星野後

一 攷郡邑舊志俱不載老人例也茲因曾沐

皇恩特附載於戶口後以昭

國朝養老之典

一 以見行則例爲主

國朝康熙初所頒賦役全書自應具列入志但六十年來丁田屢增裁復不一本折互異支給靡常茲一一詳覈清載至前明舊額亦附錄於後
要備覽觀

一田畝民命攸關陵邑高鄉十四低鄉十六渠堰隄壩濬築互預故載水利爲詳

一山川初意從沈志以邑龍發脉之山爲主而次第叙諸山延袤綿亘及邑之水口爛然成一篇文字恐人難於屬目仍從楊志僅列山水諸名

重校縣志

凡例

二

一文廟兩廡七十二子及春秋以來諸儒悉遵雍正三年新頒名數序列載祠祀志至所頒各陳設祭器祭物亦遵載入

一官師自邑令以下悉依各朝代彙叙以便省覽應立傳者舊志分循良師表二目茲依府志統曰各宦其現任與陞遷者不立傳志舊例也

一選舉自科目以下至歲薦及恩拔副榜准貢與例貢薦辟武科之類並依舊志成例登載其有可錄不能列傳者略註履歷之下

一人物沈楊二志有鄉獻無名臣此教諭湯原清
所以有陵志辨疑之作也及攷癸丑新府志南
陵則又有名臣無鄉獻茲則二者並列與宦業
忠節儒林文苑武烈懿行總爲人物而各標其
目至孝義隱逸俱舊例另分傳

一名臣鄉獻原非後人意爲軒輊但以立朝著有
風采正顏讜論昭垂國史者列入名臣從來志
例然也

一人物諸列傳其舊志所載無一字刪動內或事

南陵縣志

凡例

三

蹟未詳者考有實據間爲移易增補此裴松之
補三國志例也若舊志失載姓名今有實據亦
爲補載其全無實據而或謂舊志失載者不敢
冒登

一十室之邑必有忠信舊志不載儒林甚是缺典
茲訪其潛心性學人所矜式者補入未可謂秦
實無人亦足徵魯多君子

一貞女節婦夥若繁星不勝書矣但采覈旣眞雖
未經旌獎亦不忍使之湮沒然必蓋棺論定

者弗錄

一方技一類亦志所當有但據近所開列二人稱精醫理而不實指其所以精一係溼人未便謂楚才晉用故寧闕

一 御製詔誥不敢登載懼褻也志馳封者以彰 國恩以昭先德以勵後嗣也悉依舊志臚列而以遵例者附焉

一 藝文首列疏奏著謨謀昭忠蓋也其書牘記序

許陵縣志

凡例

四

有關地方者悉載至生祠德政去思等碑記及壽言誄詞詩文諸序概不敢存

一 凡詩賦或遠而名人詞客爲邑人作或邑人自自作必擇其有足垂訓與地方有補者錄之否則雖工弗錄

一 孝義與列女諸傳內有數人合傳者於各姓氏傍標識之以便閱者

一 是役也與衆分曹共事告竣無難一已閉戶冥坤圖成豈易矢公矢慎惟期幽質鬼神無愧無

求一任外來毀譽但恐挂漏尚多紕繆不免願
言是正以俟後之君子

附陵縣志

凡例


五



金陵五山附陵縣志

金陵五山附陵縣志

南陵縣志 圖考



南陵縣志

圖考

宣城界 東



南

縣

陵


南

南陵縣志

圖

川

江



南陵縣志目錄

卷首

序

舊序

凡例

圖考

卷之一

疆域
形勢附

卷之二

南陵縣志

目錄

建置沿革

星野
祥異附

城池
防禦附

山川
橋渡附

卷之三

水利

風俗

戶口
老人附

卷之四

田賦 物產附

卷之五

職官

選舉

卷之六

公署 鋪舍附

學校 書院附

祠祀 寺觀附

古蹟 邱墓附

南陵縣志

目錄

卷之七

名宦

貤封

孝義

卷之八

人物 名臣 鄉獻 宦業 忠節
儒林 文苑 武烈 懿行

卷之九

列女

卷之十

流寓

隱逸

仙釋

方技 關

卷十一

藝文一疏 劄子 識辨書

卷十二

藝文二 記上

卷十三

南陵縣志

目錄

藝文三 記下

卷十四

藝文四 序 箴 銘 贊 賦

卷十五

藝文五 詩 載籍附

卷十六

附記

跋

南陵縣志

監修

江南寧國府知府加三級黃叔琪

瑤圃順天
興人舉人

主修

寧國府南陵縣知縣加一級宋廷佐

翰臣奉天
例監

編纂

候選知縣乙酉科舉人汪越

師退邑人

庠

生沈廷璐

元珮宣城人

廩

生陶性

躬仁邑人

南陵縣志

纂修姓氏

候補內閣中書改授知縣戊子科舉劉壽

翼屏邑人

同訂

福建道監察御史巡視南城戊戌科進士劉運鮒

西臨邑人

原任山西寧鄉縣知縣癸酉科舉人王三錫

暉吉邑人

無為州學正己卯科舉人謝陞

位級邑人

候選知縣癸巳科舉人劉沛

霖起邑人

候選知縣甲午科舉人孫輝宗

晉侯邑人

蕪湖縣教諭庚子科舉人梁琳

蒼舟邑人

候選知縣癸卯科舉人方于珣

慮石邑人

核對

候

選

州

同

劉祖佑

念詒邑人

考

職

吏

員

徐擢用

蓋臣邑人

廣陵縣志

纂修姓氏

二



南陵宣之劇邑戶口租賦視他邑數倍異時爲令者率挈挈救過不暇簿書期會之外不遑他恤人亦重之怪以爲勢當如此而吾同年郭君高叔爲之獨不然督租賦聽獄訟率以理居一年邑以大治遂無他事又以餘力攻圖治史取南陵歷代興廢沿革之由與其邑里之所至土地之所宜人物之所會及其地名山勝跡浮屠老子列著爲一書謂之春穀志書成囑予爲之序於是有感焉夫治邑於今之世爲吏者

南陵縣志

舊序

率病其難不獨南陵然也而吾高叔獨能於此時易人之所難官事之餘又能弄筆墨喜著書以備邑闕典則高叔有所挾者亦可見矣余嘗憶往年與高叔會成均時高叔年未四十鬚髮如漆賦詩飲酒劇談天下事若不足爲者余固擬高叔且爲大官樹功名於世噫今十年矣而方僕僕爲縣令追思往時所以相期者爲之太息雖然士獨患無才耳才如高叔而當爲世用余自此益有望焉高叔名堯東平人淳熙

十六年九月中休日奉議郎太學博士黃裳序

約天下事而該之者國史也約疆域事而該紀

郡邑志也國非史統系之沿革名位之乘除體量而

經制因革而從違與夫聲名文物夷夏險易無從稽

矣郡邑非志則凡郡邑之事猶夫國也次而一家必

譜牒具焉斯宗族之繁簡氏姓之偏正族黨之渙

姻聯之派別而後可稽一身亦猶爾必履歷之傳著

而後出處進退之節純駁昏明之習責躬虧度之行

而淑慝別焉史誌譜傳大小殊而均之係重矧百里

之邑分疆而官畫野而守無志以紀其事治胡乎考

南陵縣志

舊序

二

南陵寧國郡屬邑較之宣城不及者十之七較之涇
旌寧太四邑過者十之五里以百計編戶聯比而十
倍之賦稅匝地而百倍之山川之槩有勝民生之需
有出名宦之遺馥鄉賢之懿德世未乏焉然而志無

完書自宋令郭公堯一嘗編之自是歷元逮今無復

繼作官民之考據以泯弘治間雖修未成竟付之散

佚今年十月冬莆陽俞公來知茲邑始視篆卽詢邑

志旣而值太史東麓汪先生寓官於郡檄屬邑督

愜侯意乃開局編之而名雲以校正雲

善集采摭博訪不以世氛而鉛槧之不以浮眈而摭
之事物不爽其真是非不拂乎公未浹月而就編
焉由侯之剛明之資威惠之政始克成之其間條理
而次別節簡而祛繁侯亦用心於其間書成速雲以
序之姑槩其由以塞不容讓之意焉嘉靖七年戊子
十二月日南陵林下靜樂亭老崔雲謹序

壬辰進士吾浙慈之錢氏子照將志南陵問志之道
於郡守氏郡守氏曰子是之尹而是舉也其知修輔
之道乎夫九丘禹貢職方諸載籍也其諸志之精神

南陵縣志

舊序

三

命脈哉志之爲道至重焉者也無他嚴法戒也子事
事也其顯其藏其妙無疆爲理爲器闔闢周詳曰何
居郡守氏曰百里受地多矣其有據其要會精凝粗
焉精其圖考粗其多有是故圖要會可以見多有矣
多有也者辨州則有星野定守則有疆域靈而山川
尙而風俗水利之順戶口之繁田賦之則河漕之便
役法之均兵防之豫物產之宜曰名宦曰人物曰流
寓之可以爲法曰公署曰學校之可以爲治爲教存

貴以圖新定祠祀以崇正橋渡以知政體塚墓以

重本始寺觀以驗典廢藝文以徵文獻雜志以藏祿
攷古凡其有者相因係焉是故係其多有可以實厥
圖矣圖之實二十四者備而理器合一精粗不遺而
志之道庶幾矣曰圖中之理言乎星野誠易知也其
多有也亦以理槩何也郡守氏曰地之形著儼無聲
無臭之理天之默運涵有有爲用之形形之涵自星
野以至於雜志壹是皆以理藏爲清冒理之儼從雜
志以達於星野壹是皆以器顯爲重承是故裁成輔
相不在志乎夫圖與志漢唐宋世蓋咸有之我明洪

百慶縣志

舊序

四

武求之有使迨夫永樂理之有官時則守令職修而
具焉有矣若罔備也安必無之子是舉也其知修輔
之道哉錢氏子拜手稽首曰旣聞命矣施之志也惟
命是從志成書之俾引其首云郡守邵燁序

南陵縣志凡三卷今沈侯所修也侯於爲政之五年
稔知風土之大要與治體民俗利弊之源因革之故
於是按古酌時期備掣采而垂法則也侯益曰吾奉
天子命爲吏司茲土民弗寧居如職何且吾業已禪
智極慮爲之姑紀其成以俟後云夫地不百里介於

六縣犬牙相參淆尺寸而起鬪訟甚則師故疆域
辨也坊里鄉都瓜分碁置百需出焉自田地之多寡
既分苦樂不同公私交病故田賦宜均也四境庶家
勤耕力作薑芋絲枲僅十之一而取足於田岡隴連
屬旱溢鮮登故水利宜興也宮牆崇廣爰宅聖靈群
賢攸附鍾山川融結之氣而潛修懿行範我鄉閭出
以匡世道而贊皇猷故學校人材宜重也是故欲其
重則表章前聞相土卜吉而廟貌維新也欲其興則
堰壩必固以石而督理陂塘也欲其均則定爲坊干

南陵縣志

舊序

五

畝里六百畝之額也欲其辨則彼疆我界甚嚴以明
各守其封也是故見帝王表山封瀆之遺制焉見周
畫井限田之成規焉見西門豹引水溉田之留惠焉
見卷阿鳳凰之劇劇焉見魯頌泮水之筏筏焉辟之
主翁之於其家之務履歷足蹟隨處皆到既得其肯
綦之所在而講求咨諏經畫運用又竭數年之精力
以從事於斯其心固曰吾先亟圖於其大而其他亦
次第以舉矣豈嘗試而漫爲者哉故志之目凡二十
有六而五者其大要也是以獨尤詳焉爾夫政之損

益時也。而當有更代，吾循吾職，而與民樂成，亦惟求盡此心而已。非敢矯異以自爲名也。後之人，其必能察而諒之矣。此侯修志之本指也。余謂史據事直書，詳畧者其辭也。夫志亦猶是焉。讀侯之志，而知其心之孳孳於民也。於是乎序萬曆歲次乙酉仲春石埭畢鏘序。

縣之志，縣之史也。南陵舊無志，志之修於嘉靖甲午也。肇自錢令，而其體甚畧。迄今五十餘年，下所患苦，上所沿革，日非其故此而弗紀，將俛俛乎何稽於是。

南陵縣志

舊序

六

堯中不揣謏劣，與邑士大夫暨學博諸君共圖之。而新志遂成。序曰：夫南陵古揚州域，秦創名陵陽，隸之鄣郡。西漢改爲春穀，隸之宣城。已而春穀改陽穀，又改南陵，而縣名始定。其所隸之郡，號逐祚，更割裂牽併，轉徙弗一。唐宋時爲望邑，皇明之興，其人不煩兵旅。景德內附，隸之寧國。而寧國者，南畿股肱，輔郡豐邑，鎬靡之區也。生於斯，吏於斯，而昧厥攸自，可乎。故首建置斗牛當吳地，會稽之分野。隋志云：天官南斗十二度，至須女七度，爲星紀。於辰在丑，吳越得其分。

蓋指禹貢之河海維揚也故漢之熒惑入南斗而
陽盜起魏之白氣出南斗側其長竟天而母丘險
討貳之師晉之日食在昴至斗牛而蘇峻背叛兵鬪
丹陽間事作於下象著於上渾天之占契應不舛故
次星野四鄰之封獨宣城蕪湖以河爲界而壤地不
與南陵混他則犬牙參差唇齒揅互狡匿豪據告訐
紛拏余嘗奉例一一勘步之立石界上而田在繁昌
銅陵涇縣相規避者悉會而還諸我彼疆此界井井
不紊故次疆域民社之設形勝是依山從九華騰躍

南陵縣志

舊序

七

翔舞而來而工山之巖然萃律者先受之由是羣山
合沓四面繚繞其俛侍者若子姓拱揖者若賓朋附
麗盤旋者若族黨昆仲而簞山陂隄夷衍翼蔽乎縣
治之後形止而勢聚其川則引龍水十餘道滔滔汨
汨或合或離旋繞縣治而競鶩蛟出者爲溪湖澗洞
支派無慮數十駢疊於垣之內外鍾美而疏惡蓋山
水之交稱隩壤矣余於籍山移樓藝樹厚培而固擁
俾風氣摻結而不散濬其明堂之淤而斥拓之又營

梁於東偏以緩衆流之奔趨故次山川民間俗習

淳樸而儉節佃農之家務本抑末澹於自奉士者好學問婦女恥踰閭闔大較美矣間有乘一朝之忿負氣不相下狺狺然輕訟而喜爭婚娶論財不純以禮徵福媚神謬聽於巫覡此其未易變者余諮諏而識其沉疴爰製砭俗一書因儉示禮而家諭之故次風俗食土之毛方物各異南陵所產不過稻蔬竹木麻苧之屬而已非有鹽鐵之饒犀翠之琛又非有千金富賈重裝巨艦之集而坊里之役每不勝任曩者授田不均而責之倚辦田多艱於歛田寡瘁於供實兩

瘵之余爲均其田數贏縮相權肥瘠相肖按籍以責王者不勞而無偏重長短之弊又蠲役者浮費而刪減甲總可已者輒已之弗得屏伏村墟以武俠犯禁爲姦利故物產與坊里次焉黃冊之造而丈量行也計其丁得八萬有奇計其田得六十餘萬廼以其餘補其荒而甦其貧已得請著畫守故戶口田賦次焉徽寧池控上游其水建瓴而下南陵獨蒙其害余乃行視地勢築治圩壩二百餘處又懼其橫潰吞齧而行績易敗也復酌歲歲修補之法勒爲規則禦之梓

而付專委之員倘吾民不憚暫勞而修於未崩補於未壞則永有秋矣故水利次焉君子所恃以併轍者城郭居室也縣治前高而後削而城亦卑卑多所曠闕余乃樓之臺之轟櫓堞而俯池濠獷劇不逞之渠規之色沮之數者於以庇身居正陳事圖謨乞言締欵植險制暴匪飭觀美也故官次城池次焉倉之有預備也待凶荒也有水次也待兌運也有社倉也待補助也穀陳而糜腐役於倉者賠償不貲以其家殉之而尚未足也余蓋扼腕太息爲之上請出倉穀餘

南陵縣志

舊序

九

羨畀之里胥許其徧貸里中薄其息入而收之以抵所耗庶其鮮累也已故繫之以倉儲夫士何養乎養於學也今至聖則廟師生則塾樞躋則堂溫肆則齋藏書則度贍匱則田相與盤辟乎簞簋之容旦夕乎弦誦之業鼓篋萃止者斌斌濟濟矣余又從諸生之願訂堪輿之說聳筆峰於巽濬硯泉於離席旺氣於兌枕山阜於坎氣象郁乎煥哉是以士氣振揚若將揚鼓旗厲鞭韉以會大敵之戰者科目其大昌乎鄙意以吾地之輿聞人當有追仲舒匹王曾者出而

紫榮廬勿論也故繫之以學校明神之靈爽而鑑
者蒙賢之以忠以勳以義以文者血食千齡秩於祀
典薰蒿灌鬯愀然降之浮屠老氏之盧凌波曳虹之
枉其道虛無其用率履譬之身之眉髮周行之有杖
屨也故繫之以祠祀寺觀橋梁所謂故國者必有先
古之遺焉丹井龍湫仙真所憑靈物所窟其來迺矣
甘羅李白令狐徐元功之蹤一時遊息神與形偕者
僅留如綫籍山之址石魚之洲湮久而復彰胥有神
於上下胡得無載也子不語怪而嗜欲將至有開必

南陵縣志

舊序

十

先寶鼎金券白兔紫玉等種種符瑞嘏慶隨之與夫
奄寂之詭幻者塚廟之耀奇者錄之亦足以廣異聞
故繫之以古蹟雜志令長佩章紱統百務蒼黔之安
危愉感懸諸其躬丞簿尉毗而佐之羣有司雜職布
列祇事之皆仰祿公家一或尸素則談者滄滄以爲
譏緇帷臯比疑於吏隱當其爲師必嚴肅而人知敬
學莫之褻也故繫之以官師而述其姓氏令丞之循
良有治狀者其人已往久而思之於梁得陳文徹一

自崔陵而下凡三人宋凡二人元僅一人曰趙

聘賞者與文天祥共事者也國朝自梅鼎而下凡八
人而學博惟二人其存而先載府志者一人如近世
耳目相接未遑錄也故繫之以循吏計借賓興招選
之正途苞菁竹箭豫章梗楠之材網羅且盡不涉其
途卽謀畧如鶡冠鬼谷讜侃如長孺王嘉經術如毛
萇轅固博學如楊雄鄭玄無以刷羽而奮跡故繫之
以選舉地以人重故魯多君子推爲望國秦無人焉
僻在戎翟而諸夏擯之人之賢淑者條其品第爲鄉
獻宦業孝友忠節文苑武烈貞婦逸民夫鄉獻之禮

南陵縣志

舊序

十

身致主其樹立也懋宦業之展采黻歷其惠濟也弘
孝友之篤業天彝其砥行也粹忠節之慷慨櫻難其
履蹇也順文苑則謳吟遣適擣揆斧藻之蔚也武烈
則干將捍衛戡亂禦侮之猛也貞婦之矢歿靡他寒
冰凜霜之介也逸民則高蹈不辱邃壑孤崖之致也
此皆可以儀刑士彙維閑世風志而佚若人也焉取
志爲故繫之以人物士有栖栖羈旅弗克返其鄉閭

有抱四方之志擇勝而卜居者苟其英標逸韻而
芬則固他邦之雋而吾土之光故繫之以流寓文

章道之緒也頃者金馬石渠之延寰海觚槩之圃才
士蠡涌肩比踵躡誰能廢文况文有爲其地與人而
作者非空言比與其過而廢寧過而存故以藝文終
焉志成邑士大夫作而言曰南陵蕞爾束於一隅自
晉迄今文獻寥寥茲舉要綜凡削窾崇質詳而靡蔓
信而不誣昭往詔來其在斯乎余應之曰惡是何言
也不佞五載濫竽瞿瞿汲汲心神之所劇畫教令之
所釐厝藉以逭於罪戾而諸君子亟書之未足昭往
安所詔來抑信而不誣則可謂云爾已矣故謹撫梗
南陵縣志

舊序

三

概如此萬曆歲次乙酉春王正月知南陵縣事沈堯
中撰

士君子志在六合得廣土衆民而均之豈不欲聲實
所貽與天壤俱敝哉顧方居位時此心克有注措四
境之內惟吾所欲爲迨日以遷擢去後先不相沿襲
耳目不及睹聞而君子開世前民之心始置於是乎
有志焉而寄之志也者非志其山川土田文獻名物
已也志其所以疆理謀爲振德宜民之術而寄其心
於不窮也志之時義大矣哉陵故有志而載在輿地

一統者失之畧斷自本邑儒先之筆者又於嘉隆以
闕焉雖謂之無志亦可嘉禾沈侯才擅三長政成
凶載乃與學士大夫咨諏探討闡釋澄釐起品九京
摩踪斷碣肇自漢晉迄於明興斌斌乎其大備矣至
於蒞政以來孜孜民瘼眷眷士情發於咏歌申之文
告者復以父老之請列之章次合爲全書遂使百里
提封盡一披閱飭如繩燹煥若丹青亾論慧冥凡傑
莫不灼然有所考鏡而無能以意增損其間侯之意
豈不以今日之陵吾爲政他日之陵志爲政吾心可
南陵縣志

舊序

十三

托之千百世而不窮吁斯於陵計亦淵矣侯其可誼
也乎昔人有言文章經國之大業不朽之盛事是志
也固侯經世之文也可凡志視哉謹序萬曆乙酉春
正月之吉邑人許夢熊撰

邑之有志也凡以俾前有傳後有考因有興起而觀
風問俗於是者亦有所據以知其習尙之美惡利病
之緩急而爲之補救是故不可以無志然志或有之
而久則闕闕則廢嗣美不彰沿革不著非其人弗
非其時弗舉也陵志作自前者靡得而觀矣舊載

嘉靖甲午修於錢令又五十餘年迄萬曆乙酉復得
沈令者釐輯而更定之遂爲陵邑之成書逮今順治
丙申又閱七十餘年其間蓋有幽貞淪落芳蹟棄遺
轉徙於時代之遞易而滅沒於故老之無存者旣無
以傳亦將無考君子有披卷而歎者矣會徽寧兵憲
孫公行部至陵慨然於陵志之久且闕而幾於廢也
檄下修舉而余不敏實承其責余尸祿數載愧絕無
補於興除而狂瞽冥行於此事誠不知所裁獨是曠
典逢時有人焉作之於上正不得以不敏辭乃設局

南陵縣志

舊序

十四

於籍山書院而延請本邑之薦紳先生諸君子相與
酌古準今去疑存信蒐散軼以表微而詳因革以備
鑑不逾時成帙而付剞劂七十餘年之闕而欲廢者
旣彰以著方之沈志不尤快然哉夫自沈至今甫有
修志之舉兵憲公蒞茲久矣而志稿報竣則於遷去
瀕行之際余亦令陵將五易春秋而是編茲乃觀成
則信乎其有時也今衆請余言以弁其端余惟是役
也兵憲公之心薦紳先生諸君子之筆而余無事於
其間誠無足書者然余幸而會其時亦以樂陵志之

有所傳而有所考是興是起將亟於補救者亦有錄也烏可以不書夫亦書余之會其時云爾若夫志之歛目鱗次則先後諸公固序之當而言之悉矣余向容贅順治丙申知南陵縣事楊必達撰

高貢九州周禮職方志之權輿也大言天下小言一邑有條分縷析踵事增詳者矣况國家初定朝先圖籍之府野章孔厚之版乎陵志三修及斯其同於昔者數端其不同於昔者數端星野之分杪疆域之延袤山川之流峙以至風俗淳詭水利蓄洩戶口盈縮

南陵縣志

舊序

十五

田賦增減物產孳息憑弔而景前修攸往而問橋渡敬哀而感祠墓瞻禮而儼寺觀稽古臨今而徵菽文雜志此其同者也縣嗇夫有四而仍其二學廣文有三而去其一倉廩徙建於蕪黌宮收近於縣民壯供捍禦三百名不爲多供勾攝三十名不爲少防兵值有事三十名爲少值無事一名爲多夫馬之設縣給工食草料銀於各里里歸於夫頭馬戶夫馬之變驛使苛折乾惜馬之費於夫頭馬戶夫頭馬戶求多於各里夫馬之裁官田歲入之租能給夫逃馬斃之用

逃斃之夫馬不能用官田歲入之租此其不同者也
君子縮符而治鍾靈而起以搏捭自任其同者批導
於自然其不同者變通於不倦無俟他求就陵言陵
仰止工山矗雲插漢不讓其高觀瀾漳水綠苕翠藻
樂與同潔則有志氣之開先焉則有挽維而恐後焉
如修廢陂置石堰而水患以除造版圖正經界而田
制以明尙寬簡務平恕而訟獄衰息此錚錚佼佼視
福民生輝煌治道者而知足不就薦辟純孝不畏虎
狼鯁直爲朝廷所倚科名爲一代所重病革能見夫

南陵縣志

舊序

十六

地下環屍致守犬悲號皆蜚聲於閭里流譽於孤終
使見之起敬聞之生慕嘖嘖陵陽有善政有流風則
記錄不徒塵故府矣故太白一留飲而仙坊斯著宣
聖一息游而呂山以傳所謂山以仙名水以龍靈也
濟濟名賢後先輩出則天不能災地不能變人不能
波靡於以登勝事上輶軒是則兵憲孫公暨楊邑侯
主修之意諸同人纂修之意也已邑人秦鳳儀撰

茲志也倡修於孫道臺主修於楊邑侯而家大人與同
事諸君舉前志所載未及載者刪汰冗冒網羅遺逸

將生或書余啣枚士西秦之命因省親回里粗識

概夫上竊星紀下訖藝文條則紛如而次於天者深杪忽占候所自昉也本於地者經緯錯繡體勢森羅邪絡融固形勝所自表也著於人者拳風流於未墜留正氣於如存齒頰所自芬也操觚記載廁身文獻之末因天因地因人以無闕無枉備輶軒之採擇此非其一與昔遷史散佚詔曹大家於東觀校輯后元成間褚少孫追補景武缺記益以武帝後事遷史始全後人謂詞旨淺鄙不逮遷書遠甚詒誦續貂至

南陵縣志

舊序

十七

受金鬻筆如劉知幾詆誣班固抑又甚矣孔子之知罪不敢援而淺鄙鬻筆幾幾乎懼之安所折衷耶天非人不因地非人不治立政垂教上以建中和砥德興行下以遵道路若景公善言熒惑退舍災祥豈慧孛可泥哉而營建啟復穴之舊著作蜚蝌蚪之文吏阻而天作以荒渠成而萬世以利文翁丕變乎西蜀安定從繩於澹菴雖義士忠臣蘭谷幽而自馥而貞韓烈壺麻中扶而不靡故曰政者民之風雨也教者民之寒暑也履勢而下於流水反躬而採於中原

人之善萬人之善也一日之善百世之善也志乎十者循吏名宦而外寥寥焉志乎下者忠孝節義而外寥寥焉夫爲親者諱爲尊者諱父母國之道也而當時則榮沒則傳焉生明備之後以不負其靈覺所謂克自堅立也南陵舊言無志及考故老所藏宋淳熙十六年令郭堯明嘉靖戊子令俞昌言先後編集文簡事核志但稱一修於錢令再修於沈令則政府之湮沒失傳可勝道哉越七十餘年而後起者得與於此也毋亦散而待訂幽而待闡之時乎大人嘗言道

南陵縣志

舊序

六

臺之留心舊乘邑侯之捐俸倡助諸同人之恪事襄成盛典使讀是志者某也書聲流金石而有忻心某也不書腐同草木而有愧心未必無激勸之義云如曰服膺曩說疎紊尙多蘇晉衆家剖斷蓋甚義不明其法戒事惟取其條流幾何而不夷於裨乘野史也哉孔子曰思齊內省善不善皆益也故惟具有忻心有愧心而後可以讀是志也夫邑人秦才管撰

古今記載之林得以書稱於後者蓋亦難矣采摭綱羅非一人手目能了訂覈校讐非一代見聞可備或

作而勿成或成而勿傳作而勿成者無主持之者也
成而勿傳者無嗣續之者也所由然者豈非視其時
視其人耶邑志之纂肇自宋淳熙十六年郭公堯始
編爲書郭公曠才博學於古事多所依據歷世滋久
舊本零落明嘉靖戊子俞公昌言奉郡檄督修允成
之高大父雲實手其事其中記錄大約仍郭志者什
之六補輯者什之四蓋其時郭志尙在人間雖殘闕
未盡亾也俞書成未及梓越六載甲午錢公照乃鐫
春穀志三卷萬曆乙酉沈公堯中復輯鐫之亦爲書

南陵縣志

舊序

十九

三卷而沈志之修則伯大父夢熊預有勞焉閱宋迄
明歷年五百歲而有事於志者僅四猶有勿成勿傳
者焉逮今七十餘載人代改遷舊聞荒沒記載勿備
徵據孰從撫遺緒者寧無文事曠廢之愆乎順治丙
申關東龍門孫公備兵新宛篤意修文檄諸郡邑成
纂志乘而邑侯聲振楊公慨然有當於心捐俸授餐
廣延能者一切增汰可否悉以委之不爲中撓有陳
請者勿應有謠詠者勿聽方幸振興有時主持有人
而郭俞二公抄稿復出於諸生家因得以悉心奮志

陞縣志卷之一

疆域 形勝附

大清乾隆二十一年
銅陵縣志卷之一
疆域圖

畫土居民此疆爾界地控楚吳壤隣池太衆
紆遙峰襟帶靈秀攸鍾屏藩是賴志疆域

南陵縣在府治西一百里東至清弋江宣城縣界三十
十里南至十八社橋青陽縣界七十里西至界牌湖
銅陵縣界四十五里北至小石橋繁昌縣界一十五
里東南至分界山涇縣界二十里西南至黃山青陽
縣界七十里東北至漳陵港蕪湖縣界八十里西北
南陵縣志 卷之一 疆域
至石岡山繁昌縣界三十里由縣治北三百里至江
南省由縣治北二千七百九十里達南臺黃山青
京師東西廣七十里南北袤八十里
比閭鄩鄙周官詳之軌里連鄉齊桓以霸今坊里
都圖亦猶古之遺意故志疆域者既經其大又理
其細沈志最為詳備其周圍界限具詳于後

在城坊四

仁義坊 第一圖

太平坊 第二圖

積善坊 第三圖

建賢坊 第四五圖

縣舊有七坊曰仁義太平積善建賢永興通文後增三坊曰仁風朝貞迎恩後惟前五坊存分爲五圖嘉靖元年以第五圖消乏併入第四圖名爲四五圖故止四坊

鄉九統都三十七里八十一

下長林鄉

在縣西北轄一都二都三都四都五都凡六里

上長林鄉

在縣西轄六都七都八都九都十都凡四里

智信鄉

在縣西轄十一都十二都十三都十四都凡四里

進德鄉

在縣西南轄十五都十六都凡四里

南陵縣志

卷之一

疆域

二

再淳鄉

在縣南轄十七都十八都十九都二十一都凡七里

澄清鄉

在縣南轄二十二都二十三都二十四都二十五都二十六都二十七都二十八都二十九都三十都三十一都三十二都三十三都三十四都三十五都三十六都三十七都三十八都三十九都四十都四十一都四十二都四十三都四十四都四十五都四十六都四十七都四十八都四十九都五十都五十一都五十二都五十三都五十四都五十五都五十六都五十七都五十八都五十九都六十都六十一都六十二都六十三都六十四都六十五都六十六都六十七都六十八都六十九都七十都七十一都七十二都七十三都七十四都七十五都七十六都七十七都七十八都七十九都八十都八十一都八十二都八十三都八十四都八十五都八十六都八十七都八十八都八十九都九十都九十一都九十二都九十三都九十四都九十五都九十六都九十七都九十八都九十九都一百都

梅根鄉

在縣東南轄二十八都二十九都三十都三十一都三十二都三十三都三十四都三十五都三十六都三十七都三十八都三十九都四十都四十一都四十二都四十三都四十四都四十五都四十六都四十七都四十八都四十九都五十都五十一都五十二都五十三都五十四都五十五都五十六都五十七都五十八都五十九都六十都六十一都六十二都六十三都六十四都六十五都六十六都六十七都六十八都六十九都七十都七十一都七十二都七十三都七十四都七十五都七十六都七十七都七十八都七十九都八十都八十一都八十二都八十三都八十四都八十五都八十六都八十七都八十八都八十九都九十都九十一都九十二都九十三都九十四都九十五都九十六都九十七都九十八都九十九都一百都

金陵鄉

在縣東北轄三十三都三十四都三十五都三十六都三十七都三十八都三十九都四十都四十一都四十二都四十三都四十四都四十五都四十六都四十七都四十八都四十九都五十都五十一都五十二都五十三都五十四都五十五都五十六都五十七都五十八都五十九都六十都六十一都六十二都六十三都六十四都六十五都六十六都六十七都六十八都六十九都七十都七十一都七十二都七十三都七十四都七十五都七十六都七十七都七十八都七十九都八十都八十一都八十二都八十三都八十四都八十五都八十六都八十七都八十八都八十九都九十都九十一都九十二都九十三都九十四都九十五都九十六都九十七都九十八都九十九都一百都

新美鄉

在縣東北轄三十四都三十五都三十六都三十七都三十八都三十九都四十都四十一都四十二都四十三都四十四都四十五都四十六都四十七都四十八都四十九都五十都五十一都五十二都五十三都五十四都五十五都五十六都五十七都五十八都五十九都六十都六十一都六十二都六十三都六十四都六十五都六十六都六十七都六十八都六十九都七十都七十一都七十二都七十三都七十四都七十五都七十六都七十七都七十八都七十九都八十都八十一都八十二都八十三都八十四都八十五都八十六都八十七都八十八都八十九都九十都九十一都九十二都九十三都九十四都九十五都九十六都九十七都九十八都九十九都一百都

會四

戴家會

石家會

新會

何家會

一都

地名思憶溝東北繁昌以橋邊石牌爲界溝通水次倉河順流至縣河口河係南陵業

一部

地名楓樹凹東南南陵西北繁昌本縣齊庄繁昌十五都地名中村便爲界至東

三都 地名南塘湖以石碑為界至茅塘口以路脊

至瑤冲山至浪

七都 地名東山泊至木竹隴以分脊為界山南陵業

至張九灣山脊小行路為界路上繁昌路下南

陵至丁界冲行路東南陵業至麻橋東山分脊為

界至黃土隴店前田冲北一邊田係繁昌以流水

溝為界新立有界石至紫山橫下小山分脊為界

至銅山分脊為界至板長嶺西係繁昌東係南陵

八九都 地名自楊嶺分脊為界至貓兒山至馬仁

山與繁昌分脊為界 以上與繁昌分界

八九都 馬橋湖以田中分埂并高塢通大河為界至

大虫嘴至牛角灣以銅陵陳家屋後山脊為

界至水村河至費家隴口至蝦塘冲以塘埂山塢

塘塢為界轉彎埂上南陵埂下銅陵至小塘冲沙

灘脚下山塢為界至仙人

石至落牛嶺山分脊為界

南陵縣志 卷之一 疆域 三

十三四都 地名聞家山至張家山至水

龍山至老竹山俱分脊為界

十五都 地名橫山嶺至丁家蕩至眠牛隴至

塘冲山至告子山謝公山至馬頭山俱

分水為界至仙人冲銅陵尹家塢下南陵有田四

坵立石碑二座至和尚田山嘴有石碑至水底廟

立有石碑至張冲口立有石碑至小濠溝至小長

嶺至大長嶺至烏龜石俱分脊為界至尖兒隴至

烏泥坑至橫山嶺西係銅陵東

係南陵 以上與銅陵分界

十六都 地名陶公山至小蘭山頭至眠牛隴至

陳冲洎滴水至虎隴滴水以拖柴澇俱

分脊為界至望江隴至戈冲隴至張家蕩山至范

家蕩山至浮茅山至牛角冲至中墩至鶴兒蕩山

脊為界至石階隴至新坑隴至小冲塢至荷花蕩以

迴浴馬河以石碑為界至小冲塢至荷花蕩以

為界至菴基塢至瑤冲嶺至泉冲嶺至水昌中

以山分脊為界至進德冲口係南陵業至路冲

隴下以田爲界至沙灘立有石碑爲界至師
以墳境桐梓樹爲界至高橋至錢家橋以河爲界至南
沖山以分脊爲界至高橋至狄坦沖
南陵田以橫路爲界山以分脊爲界

十九都四圍

地名城墩湖至磚橋以石壁河爲界西
南青陽東北南陵梓樹灣以河爲界內

有青陽田九畝在界內至黃連壇神河坑以平

分脊爲界至方家庄以象瑞坑山脊爲界至奚

以新塘沖山脊分界至丘家沖以山脊分界至

鹽隴以山爲界至張沖裡至大塘泊至碧山西

塢裏至鐵爐嘴等處至碧山俱山脊分界至社橋

至石門南山至成沖俱以山脊分界至和尚嶺以

山分脊爲界至大腰嶺山

脊分界以上與青陽分界

十九都四圍

地名碎石嶺至高橋沖下雙坑至豪寨
嶺至格大塢山俱以分脊爲界至胡
山至紀家嶺至年獅嶺至弔石嶺至劉家山至

山至桐梓坑至水龍至茶沖坑山至江兒山俱以

南陵縣志

卷之一

疆域

四

山分脊
爲界

二十一都二圍

地名紙槽嶺近西風菴以分脊爲界
至土塘獨山至白菓隴至大山沖至

分泥山至石壁山至岸邊塢俱以山脊爲界南係

涇縣北係南陵至大路東以煉石爲界至胡海田

石碑分界至胡沖山至百嶺至場泥泊至東山至

孝義嶺至蕭家嘴至新田門山俱以分脊爲界至

鑿坑地一段至馬
兒河以河爲界

二十二都

地名石捷沖山至後角沖至牛塢隴山至
老鴉塢至磨石坑山俱以分脊爲界至捨

貧沖至大坑裏山以分隴爲界至查田沖至湖沖

土地係南陵田界山以胡沖山脊爲界又呂甲一

號係南涇二縣分丈以田塋爲界至伏嶺以工

山殿爲界至官田沖至敬亭山以山脊分界

二十四都一圍

地名下方沖以山脊爲界至塘沖
即魚塘湖以荷葉山爲界至湯家

至木楊沖至上山沖以田併山脊為界至
以涇縣寄庄田并山脊為界至施家店南係涇
北係
南陵

二十五都 地名平德里以涇縣田蕩并山分脊為界
至老鸛嘴至張家店蕩俱以東溝為界至西溝至
東山泊以涇縣寄庄田塋為界至童家壘至陳家
坦至箬澗橋以田蕩埂為界
至田沖以涇縣山脚為界

三十都一圖 地名黃土嶺西係箬陂沖礮石碑為界
為界至分界山以石碑為界山南坑至山隴又至
山脚山係南陵沖係涇縣過一小嶺山南田係涇
縣山係南陵業至獨山沖西山脊南涇縣山北
溝南涇縣田路東溝北南陵田俱立石碑為界至
土塘沖至土地隴至山沖東山泊係南陵山西沖

南陵縣志

卷之一

疆域

五

田係涇縣業至廟頭山至許家坑東本縣田西涇
縣田俱有石碑為界至仙女廟橫山至方家沖路
東南陵路西涇縣田為界有界石至朱家沖至
塘沖至背後沖至殿龍沖至城山俱以山脊分界
至南北泉至東林坦東
南至涇縣大溝為界

三十一都五圖 地名朱家港至官田湖西南至涇縣
畝與涇縣各分一半南是涇縣北是南陵係官塘
至塘東坦至西張村對河涇縣西馬頭河東沙灘
地名小琴州係南陵業
以上與涇縣地分界

三十一都四圖 地名張村至王家灣河東有沙洲數
洲東至宣城老河為界此洲在
大河東地數百畝與大河相連
三十一都三圖 地名馬頭鎮白菓樹東至宣城大
為界至石河港至毛坦即河東

與中洲相連本處地百餘畝近宜城界西係南陵業東宣城界西南陵界外有地六段南陵業至西梓湖至梅村灣至奚家灘至大園自張村至大園一帶被洪水衝崩失業

三十一都一圖 地名金銀港東以宣城竹園為界

三十一都二圖 地名沙河東以古路為界立有界石東係宣城地

三十二都三圖 地名清弋江東至宣城大河為界至石父壩至阮家洲以竹園中為界至

如船灘上一段西南陵業東宣城業下一段亦然

三十三都二圖 地名小塘壩東至大河為界河東至宣城羅公圩河係南陵業至穆村巷

東至大河為界河東至宣城羅公圩河係南陵業至柘林湖東至宣城大河為界

三十三都三圖 地名沙河中洲東以大河為界河係南陵業中長一沙洲丈量辦課至茅

南陵縣志

卷之一

疆域

六

家嘴以河為界河係南陵業

三十三都六圖 地名木鷺洲先年南宣二縣以木鷺浮水而下以定疆界南係宣城北係

南陵本洲東連亭子灘南至河勒并宣城沈公塢更西南角至西南大樹為界西至茅家嘴大河河

係南陵業

三十三都六七圖 地名亭子灘至機坊埠至董村灣東至大河為界河東係宣城沿觀

壩河係南陵業

金三十四都三圖 地名沿觀渡東至大河為界河東係宣城朱村壩河係南陵縣業

金三十四都四圖 地名馬家園東至宣城沈添圩塢大河東插一小洲名喚小木鷺洲

魏王殿東至大河為界河東係宣城河係南陵業

山谷池港北抵蕪湖縣東至宣城縣以大河

界河係南陵業
以上與宣城分界

三十四都四圖

地名北為溝灣有小沙河為界南為南陵北為蕪湖河係南陵縣業

三十六都八圖

地名方家壩北蕪湖界有小沙河至箬帽潭以小沙河為界潭東有天生

壩係南陵業東西北三面皆蕪湖壩下有沙河為

界至阮村渡以小河為界河南南陵河北蕪湖河俱係南陵業

三十七都四圖

地名金塘港有小河為界西北押一嘴名老鶴嘴以小河為界至殷家嘴

以河為界河南南陵業北蕪湖河係南陵業

三十七都三圖

地名奎潭河以河為界河係南陵業

三十七都六七圖

地名浮流嘴至桃木渡至螺螄墩俱以河為界河南南陵河北蕪湖

南陵縣志

卷之一

疆域

七

至漳淋港係東來小河水至三不管通大河自此

從東至南係南陵北係蕪湖河俱南陵業三不管河南係南陵河北係蕪湖河西係繁昌以三縣

上故得此名自此至思憶溝俱與繁昌以大河界河俱南陵業至金獅港以大

三十七都五圖

地名黃公渡大河為界東南陵西繁昌河係南陵業至海船墩至郭城渡

以大河為界

三十六都五圖

地名黃墓渡至鄭家渡大河為界

三十五都七圖

地名丁家埠至馬人渡大河為界河南陵河西繁昌至縣河口河通

來大河直至三不管河俱南陵業自此逆流沿河至思憶溝接一都界址

舊志云本縣各疆界錯雜難認以致欺

越占告許紛紛萬曆辛巳知縣沈堯中奉例丈量
逐一踏勘各註都圖及山水地名陞立界碑爭端
頗息至

皇清順治丁亥知縣聶玠奉文丈量俱照舊址無他
邑之爭以疆界已清故也茲照舊志詳列通邑輿
地可按籍而知至按圖納糧則有冊在不復贅

形勝 附

山發九華歷涇西境工山作鎮朗陵蘊靈漳淮二水
匯流清弋縣治迤北川澤沃衍

府志

南陵縣志

卷之一

疆域

八

東有青弋之碧西有朗山之翠南則峩嶺如屏北則
漳淮如練蓋天造地設之形勝焉

宋邑人劉撫
青陽橋記

論曰陵蓋上游一要區也南北孔道馳傳旁午最
號衝煩而西南山田恒苦泉源不繼東北圩田春
夏霖潦山溪暴漲徽池之水歸焉滙爲澤國圩隄
多衝決之虞是在賢司牧之留心民事者矣

建置沿革

緬維春穀自漢始置治界分合亦復屢易表經紀
緯指掌瞭如風漸敎被江表名區志建置沿革

歷代沿革

世代

國名
總部

郡

縣

虞夏

揚州

周

吳

春秋後 越

南陵縣志

卷之二

建置沿革

戰國

楚

秦

鄣郡

漢初

鄣郡

武帝

元封二年

揚州部

丹陽郡

宛陵

於潛

江乘

句容

溧陽

丹陽

蕪湖

黟

溧陽

東漢

揚州

丹陽郡

宛陵

於潛

丹陽

歙

湖熟

蕪湖

江乘

春穀

句容



國

大帝

丹陽郡

宛陵

涇 寧國

陸 懷

晉

武帝

太康二年

揚州

宣城郡

宛陵 安吳

宣城 臨城

陵 石 廣德

元帝

大興元年

揚州

宣城郡

宛陵 安吳 懷安

宣城 涇 寧國

陵 陽

宋

文帝

咸平四年

揚州

宣城郡

宛陵 安吳

宣城 涇 寧國

陵 陽

南陵縣志

卷之二

建置沿革

二

淮南郡

遼道

懷安

春穀

劉宋

孝武

大明六年

揚州

宣城郡

宛陵 安吳

宣城 涇 陽 寧國

陵 陽

明帝

太始二年

揚州

宣城郡

宛陵 安吳 寧國

宣城 涇 陽 懷安

陵 陽

淮南郡

遼道

揚州

宣城郡

宛陵 安吳

宣城

梁

武帝末

南豫州

宣城郡

宛陵
安吳
懷安
宣城
涇
寧國
陵

懷安 涇

南陵郡

南陵

陳

宣州

宣城郡

宛陵
安吳
懷安
宣城
涇
寧國
陵陽

隋

南陵志

卷之二

建置沿革

三

南陵郡

南陵

文帝開皇九年

宣州

宣城
秋浦
宣城
涇
南陵
涇
永世
懷安

煬帝大業初

宣城郡

宣城

南陵

唐

高祖

宣州總管府

宣州

宣城
南陵
懷安
寧國

南徐州名歙

州

涇
南陽
安吳

武德四年

宣州總管府

宣州

宣城
懷安
寧國

歙州

涇
南陽
安吳

武德八年 宣州都督

宣州

宣城 涇

池州

南陵

宣城 涇 南陵

太宗

貞觀元年

宣州

宣城

涇

南陵

元宗

開元中

宣州

宣城

涇

南陵

天寶元年

江南道

宣城郡

宣城

涇

南陵

肅宗

乾元元年

宣歙觀察使

宣州

宣城

涇

南陵 太平

南陵縣志

卷之二

建置沿革

四

寶應二年

宣歙觀察使

宣州

宣城

涇

太平

僖宗

光啟三年

宣州

宣城

涇

南陵 太平

昭宗

大順元年

寧國軍

宣州

宣城

涇

南陵 旌德

南唐

先主

昇元元年

寧國軍

宣州

宣城

涇

南陵 旌德

宋

太祖

開寶八年

江南東路

宣城

涇

南陵 旌德

宣州

宣城望南陵望
緊旌德緊太平中涇

孝宗

乾道二年

江南路

寧國府

宣城旌德

南陵太平

寧國涇

元

世祖

至元十二年

江南建康道

寧國路

宣城上南陵中涇中
寧國中旌德中太平

明

太祖

洪武初

直隸

寧國府

宣城寧國

南陵旌德

涇太平

南陵縣志

卷之二

建置沿革

五

皇清

世祖章皇帝

順治二年

江南布政司

寧國府

宣城寧國

南陵旌德

涇太平

聖祖仁皇帝

康熙四年

江南安徽布政司

寧國府

宣城寧國

南陵旌德

涇太平

建置沿革紀事

南陵本禹貢揚州之域周以前為荒服無攷春秋時

為勾吳地

初武王封泰伯五世孫周章子吳

其後越滅吳盡有吳

地楚復滅越乃屬楚此封建之時然也秦始皇滅

六國乃廢封建爲郡縣分天下爲三十六郡而

統焉是時南陵屬鄣郡至漢武帝元封二年改

郡爲丹陽郡今寧國府治宛陵統縣十七春穀第四春

穀之名始見於此宛陵今宣城按後漢書地理志序曰凡郡治在縣者先書時第

十七縣爲宣城宣城名始此治清弋江

後漢丹陽郡治如故省宣城地入宛陵統縣十六春

穀第十五

靈帝中平三年析故鄣地增置安吉原鄉二縣餘並

同

南陵縣志

卷之二

建置沿革 六

三國建安十三年吳主孫權遣賀齊晷黥歛悉爲六

縣析宛陵南境置寧國懷安二縣

吳主皓寶鼎元年析故鄣安吉原鄉於潛合吳郡四

境地置吳興郡餘領如故是春穀自漢至三國吳

無析置分隸之事

晉武帝平吳太康二年徙丹陽郡治建業別置宣城

郡治宛陵隸揚州統縣十一春穀第八

元帝渡江始僑立襄城郡于春穀宣城則以封子衰

爲郡八而置內史理郡

按繁昌志云時流民渡江卽春穀地立襄城

以處之按繁昌縣在江北魏文帝築壇受禪 邑之析置一見于此而

穀如故惟孝武以避太后諱改春為陽縣稱陽穀始見于此

梁武帝末年別置南陵郡治春穀併立南陵石城臨

城三縣隸之沈志石城今貴池臨城今青陽皆晉陽穀地也而一

郡一縣卽南陵之名始于此按繁志晉安帝九年省襄城郡以繁昌領

于淮南省陽穀入于湖而春穀遂廢然則邑之分合不獨繁昌也

隋文帝開皇九年平陳以江左僑郡猥繁併省諸縣

改宣城郡為宣州刺史降行守事統縣六南陵第

南陵縣志 卷之二 建置沿革 七

三按繁志云開皇九年廢淮南郡并襄垣于湖繁昌及西安四縣更置丹塗徙治姑孰改南豫州

為宣州罷北江州及南陵郡并定陵等縣地為南陵縣今繁昌縣隱其中南陵大梁二

郡並停大梁陳所置郡自是南陵始專為縣矣

煬帝初復稱宣城郡州停

唐高祖武德四年以宣州之秋浦南陵二縣置池州

舊唐書作七年以南陵隸池州舊志本之今依新唐書

太宗貞觀元年罷都督府廢池州以秋浦南陵來隸

縣志開元間于南陵仁義鄉置石隸法門兩場後以法門為義安鄉尋廢義安為銅官治天寶間廢

銅官治折南陵秋浦涇三縣置青陽縣按新唐書廢下法門但云武德後折南陵置義安尋又廢

銅官治
不載年

天寶元年析涇南陵置青陽

沈志同考萬曆府志元闕年析置青陽太

寧國三縣
與此互異

僖宗光啟三年復置昇州割溧陽溧水隸之宣州統

縣入南陵第五

南唐先主昇元元年析寧國軍之當塗廣德隸江寧

府本軍統縣六南陵第三

據繁昌志南唐昇元時南陵五鄉因石埭塲後

置繁昌縣隸金陵府昇州改置

按此自隋唐以來始復有繁昌名而所割仍南陵

南陵縣志

卷之二

建置沿革

八

地其石城臨城之廢各志皆無所考沈志云隋平

陳州縣並廢廢石城臨城在此時且載開元間于

南陵仁義鄉置石埭法門兩塲以法門為義安縣

尋廢義安為銅官治唐天寶間廢銅官治析南陵

秋浦涇三縣地

即古臨城縣地

置青陽縣則今繁昌銅陵

石埭舊皆南陵境內而青陽亦割南陵故境自是

南陵疆界始定矣

太祖初召諸鎮還京師分命朝臣出典州郡號權

知州軍事開寶八年南唐平改寧國軍仍稱

隸江南東路統縣六如南唐南陵第二開寶末以廣德蕪湖繁昌來隸

太宗太平興國二年復以蕪湖繁昌隸太平府以廣德別置軍宣州仍統縣六列如前

孝宗乾道二年八月升宣州為寧國府孝宗以紹興三十年立為

皇子嘗授寧國軍節度使

元世祖至元十二年即宋德祐元年改府稱寧國路置總管

府隸江東建康道肅政廉訪司仍隸江浙行中書

省置錄事司統縣六同宋南陵第二

南陵縣志

卷之二

建置沿革 九

明太祖初改寧國府直隸京師省錄事司統縣六如

元南陵第二康熙府志云明一統志六縣宣城寧國涇太平旌德南陵序次誤國朝

通志已改正

皇清

世祖章皇帝順治二年江南底定改隸江南省其稱寧

國府統縣六皆如故

南陵縣歷代沿革

漢置春穀縣屬丹陽郡東漢因三國吳晉屬宣城郡東晉元帝以春穀

城郡成帝停襄城郡還故南北朝梁武帝始置南陵郡治春穀

立南陵石城臨隋停南陵郡并省臨唐武德
城三縣屬之城等三縣屬宣州觀初停池州屬宣州五代南宋仍屬南宋屬寧元屬寧明
還屬宣州唐宣州國府元國路明
屬寧
郵府

皇清因之編戶八十九里

論曰周官外史掌四方之志此輿地志之所自來也邑建置自漢元封至我

國朝凡同時諸縣悉載于表而春穀陽穀南陵則別標目之以表爲南陵作也邑隸于郡郡隸于國志邑必本郡國者明所統屬耳要之陵雖一邑乎而

南陵縣志

卷之二

建置沿革

十

其前時析時合梁陳之際且專置郡焉豈不以其地所係綦重而今也沐浴

聖世休養生息之德垂百年固宜其土物殷蕃風俗日益淳懋而稱爲南國之輿壤也哉

星野 祥異附

熒惑退舍景公一言天人氣通卽此昭然人事旣修天心斯應赫赫圓穹敢或不敬志星野

縣本古吳越地亦爲楚其州揚州其郡丹陽其縣春

穀其星南斗牽牛須女其辰星紀其辰丑

抄斗牛女三宿凡四十餘度而星紀之次止三十度有奇故斗初入寅女末入子皆非星紀諸家分野之說有主十二次言者有主二十八舍言者今並存之待考

周禮保章氏注星紀吳越也魏太史陳卓曰於辰在丑吳越之分野屬揚州

隋書地理志揚州于禹貢爲淮海之地在天官南斗十二度至須女七度爲星紀於辰在丑吳越得其分

南陵縣志

卷之二

星野

十一

唐天文志南斗牽牛星紀也初南斗九度

餘千四十二秒十二

太中南斗二十四度

餘千七百八半

終女宿四度自廬江

九江負淮水南盡臨淮廣陵至于東海又逾南河得漢丹陽會稽豫章西濱彭蠡南涉越門訖蒼梧

南海逾嶺表自韶廣以西珠崖以東爲星紀之分

也古吳越羣舒廬桐六蓼及東南百粵之國南斗

在雲漢下流當淮海間爲吳分牽牛去南河寢

豫章訖會稽南逾嶺徼爲越分

天文清類分野書曰斗牛在丑自斗三度至女一

度屬吳越分揚州

以上以星紀之次爲吳越分主十二次言也

史記天官書曰二十八舍主十二州又曰斗江湖

牛婺女揚州又曰越之亾熒惑守斗

漢書地理志吳地斗分野也今之會稽丹陽豫章廬

江廣陵六安臨淮郡盡吳分也

晉書天文志斗牽牛須女吳越揚州丹陽入斗十六

度

宋史天文志南斗六星南星者魁星也石申曰魁第

南陵縣志

卷之二

星野

十二

一主吳二會稽三丹陽四豫章五廬江六九江

明天文清分野書寧國屬斗分

以上以斗牛女三宿爲吳越分主二十八舍言

也

漢武帝元鼎中熒惑守南斗南斗越分也其後越相

呂嘉亂越

順帝永和四年七月壬午熒惑入南斗犯第三星五

年九江丹陽賊周生馬勉等攻沒州縣

五鳳元年十一月白氣出南斗側廣數丈

竟天王肅曰此蚩尤旗也東南其有亂乎二年
月彗星出吳楚分西北竟天次年吳改元太平九
月壬辰太白犯南斗太平三年孫琳廢亮

晉明帝太寧三年十一月朔日食在昴至斗牛吳分
也後有蕞峻之亂

袁帝興寧元年十月丙戌月掩太白在須女占曰灾
在揚州

孝武帝太元十九年十二月癸丑太白犯歲星在斗
占曰爲亂饑斗吳越分後二年王恭等舉兵朝廷

南陵縣志

卷之二

星野

十三

戮之連歲水旱饑

梁武帝天監元年八月壬寅熒惑守南斗占曰吳越
有憂是歲大旱米斗五千人多餓死

隋煬帝大業三年熒惑逆行入南斗色赤如血大如
三斗器光芒震耀長七尺于斗中勾已而行占曰
國大亂兵大起後楊玄感反羣盜剽州縣郡

唐代宗大曆十年正月甲寅歲星熒惑合於南斗占
曰饑旱吳越分也一日不可用兵

憲宗貞元十九年三月熒惑入南斗色如血斗吳越

分色如血者旱祥也

憲宗元和十五年八月己卯月掩牽牛吳越分也

穆宗長慶二年歲星熒惑合入南斗占曰饑旱

昭宗光化三年十月太白鎮星合於南斗占曰吳越有兵

明萬曆五年蚩尤旗入南斗占曰吳越水本年八月

吳越大水八年爲甚本縣被害尤劇

右自漢以降史所記七曜凌犯星氣在南斗牽牛須女者繁不勝書今錄數條以與分野之說相發

南陵縣志

卷之二

星野

十四

明也左氏曰越得歲而吳伐之亦以吳地爲斗分粵地牛女分而今詳徵諸史有以斗言越牛女言吳越或斗牛女合言吳越揚州未嘗執一也一夫悲怒霜飛虹貫况百里之邦乎或欲鑿某一度定爲本邑之分而餘無所與非通論也

祥異 附

唐太和八年春穀獻白兔

治平元年大水遣使疏治賑卹蠲租賦 紹興三

年五月己亥至六月辛丑雨甚大水敗圩堤地官

民廬舍 紹熙五年大饑人食艸木冬無麥

元至元二十七年十月尚書省上言寧國等路大水
民流徙甚衆命出粟賑之凡五十八萬二千八百
八十九石

明景泰某年南陵饑知縣王所瞻書勸賑饑民秦誠
急公輸應不稍吝又奉詔輸粟四萬石於通州授
散爵郎 天順間民饑張金三輸粟七百五十石
賑之官旌其閭 嘉靖間王檀輸粟一千石備賑

萬曆八年寧國大水南陵縣尤甚 十四年大

南陵縣志

卷之二

祥異

十五

水圩崖盡沒 十六年大旱 三十六年大水漂

沒圩隄田廬人畜溺死甚衆 崇禎十三年旱災

斗米銀三錢邑人王宗憲捐穀二千餘石賑之文

學王可宋煮糜于衢路以施凡數月 十四年大

饑道殣枕籍邑貢生劉蘭生同弟篤生倡募煮粥

于四城樓俾四遠饑者就食焉凡四十餘日

皇清順治三年大水圩隄衝決人皆露棲斷岸 八

年大旱明年

以折秋糧三之一 康熙十年大旱 十一年春

大饑民食草木知府汪泰弘宣城知縣李文敏
陵知縣屈升瀛各捐俸發廩爲糜粥以濟 四十
七年夏秋兩被水災

詔除漕項銀米例不蠲災外其餘起存額賦照被災
田畝按數扣蠲被災饑民仍發常平倉穀一萬四
百四十四石二斗賑濟時本縣知縣康五瑞目擊
災民載道亟圖救目前惟平糶可以攸濟同邑人
原任光祿鄉劉楷各倡發銀二百兩並閭邑紳士
奏借一千餘金擇誠實舖戶分兩班循環往外郡
南陵縣志 卷之二 祥異 十六

購買米穀平糶邑中於來年麥熟還本又倡募教
諭夏之嶼候選知縣王歷彥等捐米設廠煮粥賑
濟至麥熟乃止 四十八年大疫 五十三年秋
旱災
詔發穀四千九百四十一石賑濟又原任光祿鄉劉
楷倡捐穀二百石暨紳衿士民捐助又貢生葉其
莊監生葉鳳吉各捐穀五百石助賑各憲給扁旌
之 五十五年夏水秋旱

詔照例扣蠲被災饑民奉發倉穀九千四十五石

斗賑濟 五十七年秋被水災知縣宋廷
大小各圩盡被水冲坍塌災黎房屋食物種籽漂
沒無存在田秋禾俱已失望隨通詳請 題隨自
捐銀二百兩江北購買蕎麥種三百一十八石八
斗給被災處起時補種又隨奉總督部院常發銀
二百兩散賑不敷知縣宋廷佐又自捐銀一百一
兩入錢奏賑後蕎麥豐收民賴以生 雍正四年
夏秋兩被水災知縣宋廷佐通詳請 題

詔照例蠲賑應免十分之三銀四千六百八十五兩

南陵縣志

卷之二

祥異

七

有奇應徵米豆亦照例分晰蠲免又奉文酌定大
口男婦饑民一萬八千七百二十六名口小口男
婦饑民七百二十二名口每大口日計米二合小
口日計米一合煮賑五箇月自四年十二月初一
日起至五年閏三月終止動用米五千六百八十
七石二升六合內動支本縣按畝捐輸穀作米八
百六十八石四斗三升一合奉撥青陽縣穀作米

一千石省倉捐還漕米一千石安慶府截留漕米
二千八百一十九石四斗九升五合外本縣官紳

士民捐助穀作米一百三十八石五斗

附載 南陵縣知縣宋廷佐于康熙六十年 月
奉文委往涇縣查驗饑民加意撫恤復于六十
年二月內奉撥涇邑倉穀一千二百八十石
涇縣奏賑其穀僱夫搬運清弋江舟中交卸去
脚價皆自捐俸散給涇邑黎庶倍切感戴齋澤
隣封扁額懸公堂又樹石碑于北關通衢

論曰以分星志地理始自班固其義本于周官後
之爲志者因之然皆不過麤存梗概鮮所發明惟
癸丑郡乘詳徵博考足備叅稽今仍具其略夫人
居地上地在天中一氣相通無有隔碍天運有推
遷而人事應之人爲有轉移而天運亦應之故曰

南陵縣志

卷之二

祥異

六

與政事俯仰最近我

皇朝敬天勤民邁越往古一遇災祲發粟捐租恩至
渥也而賢司牧與邑人之留心桑梓者圖維補救
之法例得備書以爲後勸云

城池 防禦附

王公設險以守其國孰是彈丸而可或忽懿茲百
雉屹若樹屏郡治股肱南國腹心志城池

南陵縣舊城高二丈五尺厚三丈周廣九百三十六
丈二尺闢四門東曰寶應南曰福應西曰瑞應北曰

補應水關三東南曰禹雷其水朝入學前西南曰倭

樂東北曰後樂縣舊無城明正德間知縣胡文靖置

四門嘉靖癸亥知府羅汝芳知縣邵永春始建今城

萬曆九年知縣沈堯中增高三尺又因西北二門相

去差遠庫藏囚獄在焉酌于二門之中築石臺增戍

防守扁曰靈雉以黑雉常止其地也崇禎間知縣甘

文奎重修改曰倚劍臺東南水關曰禹雷者知縣熊

瑞開者民劉泌管又攻沈志載東北二門內設總舖

環城警舖二十四增堞一百二十三共一千九百九

南陵縣志 卷之二 城池 十九

十五增舖一十三城濠四條每年租銀置簿工房專

用脩城不許那移 國朝康熙五十三年知縣宋廷

佐重修詳碑記

節錄前令邵建城事宜碑記

初議築土城凡三條會同儒學訓導熊吉鄉士夫王弘道舉人王都管楠生員張偲

等并集槩縣里老葉晦等踏勘四次興工隨鈔尺官

弓丈量城基週圍共計一千一百二十丈將量定土

城丈尺分爲天地玄黃四號照依通縣里排分派每

里一十三丈土工一字號設定職官一員董督縣丞

戴珍督天字號訓導熊吉督地字號主簿徐師古督

字號丁憂典史陳興鳳督黃字號嘉靖四十二年

二月十六日起工至本月二十六日土城成

三月三丈又于嘉靖四十三年正月九日起

加搗復議砌磚城凡九條一王秋等議認包砌

定等八十一里併四坊分爲上下二鄉論其自酌是

各里丁田多寡自來認造不拘丈數多寡隨有胡志

定葉晦等情願自買磚石共認過包砌五百八十九

丈三尺九寸一四門城樓月城南北通流水關二

處本府批允詭寄田畝稅銀六百兩一本府協助

府項下賍罰銀三百五十兩一東門地名劉家園

城濠內掘出銀一百九十一兩五錢通共銀一千二

百四十一兩五錢內支銀二百兩給富民劉哲潘廷

梅丁天祥王元互等領買磚石等料督造四門

支銀六十兩給富民阮延四蕭鳴鳳督造西南二月

城門一支銀四百兩給富民曹科曹范陳科陳光

領買石料等項督造南北通流水關二所一支銀

架包城十五兩給商人劉枝買辦杉木給發各工里排找

欽買辦花紅給賞四門併水關督工富民承督造外

乃餘禾認砌城二百七十一丈六寸三分將前項剩

南陵縣志

卷之二

城池

三

貯庫銀四百四十一兩六錢三分每城一丈該磚石

等料價銀一十兩發事過人領砌以下係罪贖者今

皆不載又府帖停止走遞夫二十名准銀二百六十

兩停止腳力馬六匹准銀二百四十兩併舊規該縣

里長每年置造鋪陳共銀八十一兩俱令就城工用

又于峩嶺河下取石八十丈北門外河下取石一千

知縣親詣各工查點凡遇里排先能造完者加意

獎賞一應繕合砌丈數當建舖舍應支錢糧雖經具
申請于本府屬縣或于各府富實縣分再加通融協
濟在後並不會勞擾也其有已領官銀而尚未全給
者俱申巡按御史補給通給
官銀三百三十二兩八分四厘恐後有罪我者假此隙
端以駕無根之詞抑將來有自利者籍我爲口實以
長其侵漁之計皆非吾黨爲事爲民之初心也青天
日照昭可表姑立石以白心迹非敢侈爲頌功之

陸有建城碑
記見藝文志

附府帖 直隸寧國府為議築城以戒不虞事據南陵

督軍務兼巡撫應天等府地方都察院右僉都御史周憲牌前事備行該縣議築城池去後今據申

稱督造大水關陳科曹光協力開一城之鎖鑰功

居第一督造南水關曹范曹科同心樹一城之咽

喉其功次之劉督王鸞督造東門有長子之喪而

不顧王元五潘時桂督造北門有父妻之死而不

知潘廷梅戴愈夜宿南門而不覺其老丁天祥一

人獨任西門而不苦其難蕭鳳造西越城門而

成功獨先阮延四造南越城門收績再造兩關大

小不同而終歲之辛勤無二所當諒給義民冠帶

優免本身雜辦以榮終身等因據此已經批行該

縣除議優免外為義民陳科等督造城池寒暑不

避協心幹辦不憚其勞有衛于國合行旌獎以勵

人心樂于趨事為此除該縣給與冠帶及動支本

南陵縣志

卷之二

城池

三

府項下賍罰銀兩置立扁額買辦花紅當堂獎勞
外合行帖給義民劉哲收執冠帶以榮終身須至
帖者嘉靖四十四年八月初九日給右帖劉哲
後裔所藏今二百年印文墨跡如新是其功不當
泯沒也且并見當日同事
諸人獨有關係故備載之

按前志皆稱縣舊無城而今之縣治亦莫詳所始

萬曆府志于梁武帝別置南陵郡理春穀并立南

陵之下注云春穀南境治籍山南陵始此不知何

據夫籍山即今治然邑人劉摭記青陽橋云南陵

舊治臨江唐長安中遷于青陽城其鎮籍山其浸

漳淮即今治也則非始于梁與萬曆府志互異

言古城卽繁昌之舊縣攷宋曾鞏繁昌縣興造

云太宗二年取宜之三縣爲太平州而繁昌在籍

中繁昌者故南陵地唐昭宗始以爲縣

諸志皆稱南唐亦互

異縣一百四十餘年無城蓋此指繁昌舊縣而言

今之舊縣鎮是也沈志云縣濱大江卽今繁昌縣

春穀鄉去今縣九十里唐舊史云南陵舊治在赭

圻後移青陽域赭圻在繁昌縣西十五里俗稱縣

故城今考故城又在赭圻西二十里與赭圻皆爲

春穀則南陵自漢以來治皆臨江此本唐初事言

南陵縣志

卷之二

城池

三

耳長安四年移治青陽卽今之縣治疑爲得之

徽寧道署明嘉靖中以東南倭擾置整飭徽寧等五

郡兵備按察司副使一員駐廣德已而省之隆慶壬

申以浙盜詐稱鑛徒歲被抄掠復置駐池州萬曆時

頻議更置所轄止徽寧二府廣德一州亦曾駐府城

道署在府治東崇禎間因旌績盜發遂移駐旌德康

熙六年奉裁九年以徽屬多盜復置駐徽州府城

康熙

府今奉裁

同營分撥于把總各弁目撥防六邑及險隘處所

南陵駐防官假舊府館爲廨卽書察院

康熙府志

民兵舊三百名今裁止五十名

康熙府志

順治

云防守官兵在縣衙左右順治七年操撫

院李委設百總一人兵丁三十人

本府鎮守標下撥換

按本

邑明初設有民兵

卽民壯

每十年一審丁田千畝審一

名後編徭戶應當嘉靖三十三年改編徵銀給散每

名工食銀七兩二錢萬曆元年改入條編徵銀在官

募役又加衣甲銀每名三錢以後定數三百名共徵

銀二千二百五十兩給散原以守禦地方非專爲差

南陵縣志

卷之二

防禦

三

遣設自後浸失初意民兵盡用差遣置守禦于不講

崇禎乙亥流寇逼江本邑震鄰知縣王尙行申設守

城鄉兵八十九名每名派工食銀一十六兩癸未鎮

兵南潰焚殺淫擄村市爲墟知縣徐宗敬申增鄉兵

二百七十名每名工食銀二十八兩派之通縣里甲

順治乙酉知縣朱龜鑣申增至一千名共派銀二萬

八千兩深爲邑害順治六年操撫李行文裁革止於

本府鎮兵標下撥防守兵三十名先年兵有強買之

事知縣楊必達以法約束之其往來客兵擁衆闖

市肆擾悉爲設法支應無有譁者陵近年無

害云

演武塲在縣北三里

峩嶺巡檢司在縣南六十里新店舖初司在峩嶺山

下洪武丙子知縣周銓建嘉靖癸未通判宋子隆遷

趙冲舖甲午知縣錢照再遷今所康熙府志今峩嶺署久

廢巡檢不還司所而賃民居止城中見舊志

巡檢一員 司吏一名弓兵舊三十名今裁存六名

天馬門湯原清云城南舊有天馬門形家謂係文明之地利于學校昔開時是科有獲雉者而舊

南陵縣志 卷之二 防禦 五

志不載茲附識之以俟考

論日月令孟秋補城郭季秋築城郭類後世防秋

之義無非爲不虞地耳邑舊無城有之自明嘉靖

癸亥邑令郜永春始先是東南倭寇有自浙踰徽

而入旌涇者陵邑戒嚴郜乃毅然以建城自任始

而集議繼而督勸用民力凡幾費金錢凡幾指畫

心籌罔寧寢食不一年而告成信乎績最鉅澤最

遠也崇禎乙亥流寇逼江癸未鎮兵南潰而陵得

無恐者謂非恃有城在耶是時遞增鄉兵已二

百七十名申酉之際增至千名派銀二萬八千有奇非特無以益民而且爲民厲其故何歟然以此爲鑒而只設防兵三十名至所謂民壯者不過奉差遣司城門啟閉無復寓兵于農之意則又未見其可也夫逸不忘勞安不忘危古之訓也任拊循與防禦之責者其均念之哉

山川 橋渡附

工山千仞作鎮茲邦總其流時舉以大綱共與盤礴氣厚土臧詰賢輩出今古相望志山川

南陵縣志

卷之二

山川

五

籍山 城內主山由工山城蜿蜒百折至此山入額削知縣沈堯中審其形勢巖石爲臺建樓其上蓋縣治之憑籍也城市邱林爲邑中勝槩堯中有誌○康熙府志謂籍山爲城內主山首列焉縣志首工山而籍山直列於末今依府志

工山 縣西三十里高數千丈周圍七十里縣治之鎮山也晉朗陵侯何琦常棲隱焉宋孝子李經廬墓于山之麓山顛有忠孝祠今移戴家會山腰有泉曰龍池歲旱禱雨輒應

朗陵山 縣西三十里在工山南亦以朗陵侯何琦名相傳琦居此辟穀鍊丹山南有丹井舊有朗陵院梁改

靈山寺

牛嶺

縣西三十里朗陵山來脉○府志見朗陵山小註作落井嶺今依縣志

山

縣西三十里高聳方削如屏縣治龍脉從此山左角落下

天脉隴 縣西三十六里

謝家隴 縣西三十六里在戴家會

花山 縣西二十里有道達銅陵錢志云宋徐元功若沈志不載楊志云徐用和居此三書互異

俱未載

祿嶺山 縣西四十里亦名陸嶺

馬鞍山 與祿嶺山連

聞家山 縣西四十里

大王冲山 縣西四十五里有侍郎丁鑑墓

張家山 縣西四十里連聞家山

南陵縣志 卷之二 山川

水龍山 縣西南六十里有泉出山巔石岩噴高五尺許若春濤洶湧而下田畝賴以溉灌焉

橫山嶺 縣西南六十里嶺西通銅陵境

黃山 縣西南七十里

鷺峰山 縣西六十里石洞有風温涼

靈岩山 縣西南七十里唐貞元金地藏建寺俗名南山寺

官山 縣西七十里有石洞邑人孫吳建碧波亭

丁山 縣西南七十里與青陽接壤

齊頭山 縣西南七十五里與青陽接壤路通銅陵上有泉落下地名煨湖名雙龍井泉深無底

田甚

程家壠

縣西南十五里

石龍山

縣西南二十里鄧道先建菴其上昌永有記

顧村陳家山

縣西南十八里

楓樹岡

縣西南十五里上有楓一株樹葉先黃何向以下年豐

雲家山

縣南十二里一名仙女山

烽火墩

縣南十里上可遠眺舊傳舉烽之所

石嶺

縣東南十里通涇縣

箬帽山

與石嶺連縣治外案崇陵山盡此上有青墩頭可以遠眺

鷲公凸

卽箬帽山之餘下臨石潭潭中每有蜃龍騰躍

南陵縣志

卷之二

山川

三

石壘塘山

縣西三十里兩山石麓相際如門中有邱壑林巒外望四山壁立似無徑路可通

七女山

縣三十里

石湖山

與七女山連石下泉湧如潮故名

馬仁山

縣西北四十里與繁昌銅陵連界山峯有人馬狀貞元中居人聞石馬鳴遂夷其首改今名

名

丫頭山

縣西北四十里陵繁諸山分枝處

新亭山

縣西北三十里

黃連山

豹兒壠內山有石洞流泉

河山

麻橋內山有石洞流泉

紫山 其上常有紫氣麻橋內

石音山 七都境內人行則有聲又名團山

白山 七都境內石色如玉

梅花山 七都境內其峯如梅五瓣

石岡山 七都境內與繁界宋董學士必墓在焉

大小瑤婆山 豹兒壠內

射的山 縣西北三十里寰宇記云山有玉在石壁內取之者遇風雨而止人望之似射侯因名居

人常以山色占歲云射的白米斛百射的元米斛千

獨山 縣西南十三里與柿樹溝近

南陵縣志 卷之二 山川

內翰山 縣西北七里一名白石山有宋學士徐勣墓

五里岡 縣南五里橫亘于前蓋近案也

崇陵山 縣南十里

鷺嶺 縣南二十里舊傳有金鷺自涇之鑿塘山飛來栖此

敬亭山 縣南三十五里與府治鎮山同名

呂山 縣南六十里上有石室下有孔子書院故址傳謂孔子之楚道此舊志以孔子未嘗入吳疑為後譚後查寧國縣志有夫子巷孔子堂孔子井相

傳孔子適吳時至此豈孔子亦嘗入吳歟康熙廡志呂山淮水之源孔子井皆謬

院與寧邑志孔子井皆謬

蒲山 縣南七十里

車山縣南六十里其形似車故名

格裏縣南七十五里兩山夾行連十五里不斷如格然故名從兩小徑入曰大格口小格口中

腴田深澗人烟相接

趙冲嶺縣南七十里上有公館縣龍過峽於此

千堆山縣東南十五里以上多墩泡壘名

分界山縣東南二十三里以與涇縣分界名

神龍山縣東南二十三里山從分界山來逶迤陵陀最後卓起一峯如游龍昂首狀故名上有睢

陽公廟

按萬曆府志南陵諸山大率皆發跡九華歷涇之

南陵縣志

卷之二

山川

三

西境以趨而北至縣則平夷無山水自西南會于

縣治迤北皆川澤矣又攷繁志云繁之諸山祖青

陽之九華而宗南陵之大工山大工山之脉析為

三幹俱自東南迤遇而北以今觀之山勢皆循江

直下惟逆折內向者其氣脉乃於南陵有擁護蟠

固處也

漳水一淮水錢志云漳淮源自呂山又以北鄉水淮河作淮水及考沈志則分疏縣南六

里有漳水出水龍洞又有淮水出呂山合流

河至縣為東溪是實有漳淮二水並出南鄉

小淮河其流也

合河

自趙冲等處來與新會
水合而成河北流澄清橋

澄清河

有橋南通青陽自合河
流來北與峩嶺河會

峩嶺河

有石橋南通青陽自尹冲西陽
姜冲等處來東與澄清河會

浣溪

即縣之東溪上流五里明邑人劉柯幽棲于
此號釣隱徵君方罔節推王弘道有贈詩

漁浦

今日龍潭灣
王維詩及之

東溪

道濟橋跨馬橋之上下一帶水色藍而且重故
漳水拖藍為十景之一明劉侍御築別墅其

有涉園四景詩
多名公和章

小淮河

縣北六十里河濱業
陶者多縣磚瓦資焉

清弋江

縣東三十里有渡通本府發源黃山會石隸
太平旌涇諸水而至以水盛河身漸廣故曰

南陵縣志

卷之二

山川

三

江其水深碧下流分二支西北流俱會漳陵港地
方本縣圩壩俱在漳陵港東南居蕪湖上流山水
泛溢惟馬家灘三千餘畝可泄無患後被蕪湖豪
民占灘為田築堤遇水各圩壩衝漫受傷嘉靖三
年縣丞金坡銳意經理
勢閉不行至今為害

蒲橋河

縣東二十里有石橋上自麻園河來下
流蘆港口與西河口水合出縣河口

沿聖河

縣東十五里會縣東南
各冲水入張公渡河

胡家橋溪

縣東南二十六里水來南冲土
塘冲去羅家村鍾塘入蒲橋河

神龍山溪

縣東南二十三里自涇鷄墩嶺等處
水來入沿聖河張公渡河詳黃柏陂

石溪

縣東南十七里有橋水來黃土
嶺下箬陂冲東去入沿聖橋河

石家會溪

縣東十里水過竹塘橋
去邱家橋入張公渡河

七里湖 冲去南十三里水來遠塘邱家橋

范村澗 有石橋今圯近旁南坡水入南水關

株園澗 思古橋上流水自甯村塘劉家冲來至通濟橋上流入東溪

海子溝 邑東南六里在鷺公凸下踏青尋秋有勝可選

西溪 縣西二里有橋名鬢塘橋南卽縣龍橈棹水田源常涸橋北數武卽後塘十景有西溪積雪

柿樹溝 縣西三里自裡宅繆家冲後家冲注村來流石湫口下港橋入後港

胡村橋澗 縣西北二十五里水自白楊嶺黃連山至石塘湖與新亭山來水會于下水村至豹

見口出胡村橋逆南折入後港橋

麻橋澗 縣西北二十五里水自板長嶺紫嵐巖同林冲穿麻橋逆南折入後港

南陵縣志 卷之二 山川 三

染浦 縣東北四十里又名自家湖廣約千餘畝波光燦灩可愛九夏芙蓉菱芡水面文章吳赤烏元年建浮城梵刹於中尤為勝景許職

方夢熊 世居其地亦見湖塘效內

奎潭 縣東北六十五里共九十九曲三關三巖中有六墩類奎星故名夏時蓄菖亭亭香風徧野蓮藕菱芡鳧雁魚蟹諸利稱陸海云傍湖而居者多

張秦 二宦族張職方有奎湖十景詩秦標八景名入競題咏焉又見湖

塘效 內或亦稱湖

水龍洞 縣南六十里漳水之源水由洞內噴出深窅無盡居人相傳可十五里

沈志 按本縣地脉自西南而來附龍水十餘道總會於白石灘過東分爲二支一趨東南入縣前澗

爲明堂過籍山橋由中港出惠民橋一趨東北繞

縣後由後港亦至惠民橋合是爲內垣水其外漳
淮水自西南而東北又轉而西北入東門河至蕭
家嘴與內垣水合爲第一水口 又東蒲橋河上
接涇之黃埭諸澗水至縣河口與東門河水合爲
第二水口 又東清弋江上接涇之賞溪至長池
塘分爲二支一入茅家嘴經金家閣亦至縣河口
與龍會橋水合一入穀池經漳陵港復又合流與
縣河口諸水合爲第三水口總由澗港入於江

至若西南諸山俱是九華發脉穿田渡水結爲縣

治治東北憑有籍山又得來水勢聚形止足稱輿
區及後白石灘水竟自北走無復之南縣南明堂
遂亦淤塞所憑籍山亦削割殆盡夫水自西南入
縣瀦爲明堂所以聚精也籍山陂陀委宛收拾西
來龍脉所以聚氣也而今皆無之此何以稱焉萬
曆辛巳知縣沈堯中訪知故老措價銀十兩給居
民劉姓者瀦復明堂又于蕭家嘴建龍會橋收拾
東南西北二水又按籍山故址築石臺移縣前鼓
樓在上兩傍培土植樹本來風氣遂得並復云

楊志縣境諸山發自九華巒岼侵漢而來至今
嶺始落脈於趙冲舖分枝大勢北行度程家龍陸
嶺卓起馬鞍山隨復跌斷再起高峰度落牛嶺朗
陵山尊峙大工山又爲陵繁諸山之祖蓋縣境鎮
山焉其未度落牛嶺時分一枝東北行曰屏風山
方平陡削乃縣治龍專祖度謝家壟花山顧村等
處折而北有楓樹岡迤邐穿田度峽峽西水流柿
樹溝橋峽東水流五里岡橋旋復起山北行落平
歷雁蕩湖地方轉折而行廻結縣治此從來龍一

南陵縣志

卷之二

山川

三

路言之也其應首五里岡盡蓮塘社次崇陵山度
雲家嶺盡鷺公凸次呂山盡千堆山次雲嶺管嶺
盡仙石舖諸山重朝疊案排列于前其纒首香由
寺籍山臺次畫眉嘴更奇繁陽遮陰山逆南三十
五里起冒家龍泉等山落平抽脈枝枝擁塞在後
收拾隨龍諸水而大關又有新林舖桃冲舖小淮
密等山與河東漳陵港等處交結再擴言之陶母
斷度河起石碓等山與河南古野山應又一大交
結也其下砂近者則牧家敦今之儒學等枝其上

關近者則今之崇教寺一枝從朝案崇陵山雲
嶺落下盡蕭家嘴于中一一抽向中港與籍山儒
學之餘及畫眉嘴惠民橋北砂頭關鎖其第二上
關則有千堆山一枝從遠塘下聚落平田直盡蔣
塘等處于中一一抽向縣河與遮陰山逆南各田
龍往來如織至縣河口則章公渡河水時來交會
其第三上關則有仙石舖諸山落平歷張胡鄧村
而北內多崩洪龍脈大盡蕪湖南其於本縣地面
則盡三不管漳陵港據縣之東北雖一望圩鄉杏

南陵縣志

卷之二

山川

三

渺無際然山情水意每多西趨縣河與河西新林
舖小淮窰等山遙應是一縣諸山大槩也

一縣境流泉當以縣治龍爲主而分疏之縣前之水
一自雁蕩湖孫家橋來入西水關至牧家墩會中
港水一自南洪冲五里岡橋來會崇陵山下羅家
冲水雲家嶺下新田冲水合流經范村橋入南水
關是謂中港會西水關水合流儒學前出北水關
至蕭家嘴與東溪水會出龍會橋一自尹冲馬鞍
山下流出大麥龍山南深坑澗花山峩嶺河大湖

裡箬帽山浣溪出通濟橋一自趙冲鋪東北流會
漳淮二水經合河口會新會諸水再歷孔村鋪澄
清橋至峩嶺萬家後會峩嶺河水同出通濟橋
自呂山南涇之黃埭諸澗東北流經麻源橋永豐
陂楊家橋王鈇橋萬年堰蒲橋源潭渡橋蘆港口
會西河口來水西流張公渡出縣河口與縣東溪
水合故曰縣河口一自旌太等邑發源總滙涇之
下坊河北流白菓樹下大園清弋江排灣機坊埠
沿觀渡長池塘方山灣沚清涼渡揚清河濮家店

南陵縣志

卷之二

山川

五

蕪湖浮橋達江此大河本身則然其崩洪也度長
池塘後分一枝西流故曰西河口自毛家嘴經金
家閣沙河港於村渡許村埠龍潭渡至染村渡地
方其未歷方山也又分一枝西流曰穀池港歷紀
勾灣沙港橋與前至染村地方水合再歷金塘港
至殷家嘴又折北流至浮流嘴陶母壩由三不管墩入縣
鎮又折北流至浮流嘴陶母壩由三不管墩入縣
河去石碗東灣峩橋潛港達江以上六水俱從縣
西南向東北流而與縣之纏龍大交會縣後之

一自落牛嶺流出經工朗山麓出戴家會過檀木橋會南來上港橋戴塘橋二水流入白石灘一自湯村一自赤嶺一自白果嶺一自冒家冲俱東流入白石灘一自白楊嶺流出豹兒壠一自板上嶺流出麻橋各有經由諸地方至磨子岡竹塘湖地方流入白石灘以上諸水總匯後港繞縣後出惠民橋與趙冲鋪來水交會合流龍會橋下新建東溪石堰長流至縣河口與呂山南來水會去三不管墩與西河口穀池港二崩洪水會合流潛港達

江江流十二里與蕪湖浮橋下東來清弋江水大交會合山與水詳之而通縣形勢了然目中矣

又有山川爲陵。轄而水亦因之以異者如山有逆向西南行者曰張家山歷水龍山橫山嶺鬻頭山青銅之界山郭嶺天門山奔馳起大通諸山而盡自趙冲鋪以至馬鞍山西壁各峽各冲水俱流歸青陽木竹潭駱家潭朱家渡老鼠石抵銅陵之大通入江又如落牛嶺以至射的山西壁各峽各冲水俱會合馬仁山南界牌湖流繁昌赤家灘王

火菽港入江縣治諸水東流此二局水獨西流
之待考

又稽嘉禾沈志於俯察之學媿媿不倦闡境山川
分合巨細指陳可謂詳矣但後港之水本爲縣治
纏帶勢自北趨沈于西溪橋北築堰障水驅入西
水關以繞縣前則流斷縣治龍身矣縣南甯家冲
劉家冲是縣治案山末小支水耳其隨龍諸水已
自范村橋入南水關獨二冲東洩東溪亦其本性
沈又于思古橋下築堰障水驅入南水關以會中
南陵縣志

卷之二

山川

三

港則流斷縣治上關龍身矣故西溪思古二堰似
爲智者之鑿築後洪波衝激不旋踵而圮水性之
難拂可知已

按二說不同今水勢亦變異但沈志以縣前明堂
爲主楊志則有龍身受傷之慮皆大有關係未知
孰是故兩存之以俟後之君子諦審焉

橋渡

籍山橋

一名市橋縣東一百五十步前志俱未詳建立年代後知縣林鳴盛建

關王樓於上尋廢康熙八年知縣屈升瀛重建

玉帶橋 在籍山橋北 知縣林鳴盛建

惠民橋 縣北門外驛路 宋淳熙十六年知縣郭堯重建明成

化間知縣孔公玘重修 康熙五十九年知縣

廷佐重建

龍會橋 縣北一里 明萬曆甲申知縣沈堯中建縣治東南

西北諸水俱會于此取兩龍交會之義故名 東

大路街費田地係鄉紳管橋拾 橋西碑亭地邑民章廷傑獻 上有奎星閣知縣

徐調元建知縣宋朝儒重修康熙 年知縣屈

升瀛改建文瀾亭今俱圯

育陵縣志 卷之二 橋渡 三

鼎豐橋 北門外橋上 康熙四十九年鄉紳劉楷建

箭塘橋 縣北十里驛路民方秀建

平溝橋 坐繁昌界驛路 知縣錢照建

紫衣橋 縣北二十里

麻橋 縣西北二十里張鏜建

後港橋 縣西北一里嘉靖間邑人張俶建雍正元年後裔張碧重建

翼塘橋 舊名西溪張績建 萬曆甲申知縣沈堯中重建

慈濟橋 近小河勸張天祐母沈氏建

上港橋 縣西五里 知縣孔公玘建

黃塘橋 縣西七里張績金造吳瑞玉重修

揚干橋 縣南四十里明徐淳建

澄清橋 縣南三十里驛路 雍正三年知縣宋廷佐重修

鷺嶺橋 縣南二十里驛路 嘉靖間知縣錢照建雍正三年知

縣宋廷佐重修

獅子橋 縣南六十步

降仙橋 縣東承天觀前

思古橋 縣東南二里邑人劉時潤建劉涇修

通濟橋 縣東六百步驛路舊名青陽橋宋元祐三年邑人羅顯童應之建里人劉撫志明天

南陵縣志 卷之二 橋渡

順戊寅知縣劉紀修隆慶年間知縣丁應詔重修

橋西頭牌坊一座順治八年知縣宋朝儒重建

通涇橋 縣東二十里

筓湖橋 民王奇彥建

沿墅橋 縣東十五里 隆慶間知縣丁應詔重建

蒲橋 縣東二十里驛路

坎塘橋 縣東二十五里 知縣錢照建

番家橋 縣東二十五里

原潭渡橋 縣東北二十五里邑人周應聘造

戴村橋 禎二十七年都崇
禎十二年建

利徃橋 進士張真建
三十七都邑

春六橋 中朱村萬曆二十
九年朱春六建

佈樹溝橋 徐成造

開口橋 縣東二十里邑人朱一匡
曹等募建

清弋江渡 縣東三十里驛路官渡額設渡夫二名
歲給工食銀兩錢去通津舖五里

車步渡 縣東北三十里
益步渡 縣東北三十里

沿觀渡 縣東北四十里
中渡 縣東北三十里

金家閣渡 縣東北三十里
文公渡 縣北二十五里

南陵縣志 卷之二 橋渡 罕

于村渡 縣東北三十五里
姚蔣渡 縣東北三十里

章公渡 縣東北十五里
龍潭渡 縣東北四十里

染村渡 縣北十五里
三了渡 縣東北一十里

馬村渡 縣北二十五里
黃墓渡 縣北三十五里

郭城渡 縣北四十五里
黃公渡 縣北六十里

小淮渡 縣北六十五里
三不管渡 縣北七十里

蒙輦渡 縣北七十二里
魯兒渡 縣北七十五里

桃木渡 縣北八十里

論曰按沈楊二志于山川皆載形家之言沈志詳



